

四庫全書

史部

欽定四庫全書

行水金鑑卷一百三十三

江南按察使傅澤洪撰

運河水

國家定鼎燕京歲漕東南四百萬石由江涉淮入黃河  
進董口由徐塘口經洳河會通河衛河邈大通河以達  
京師康熙七年董口淤運道改由駱馬湖十八年駱  
馬湖淺挑皂河口接溫家口達徐塘口遞年修築挑濬

所有執掌事宜備載於後至支河及湖泉閘壩有裨運道者亦附載焉

大清會典

大通河即潞河舊為通惠河其源出昌平州白浮村神山泉過榆河會一畝馬眼諸泉匯為七里灤東貫都城由大通橋而下至通州高麗莊入白河凡一百六十餘里自大通橋至通州石壩四十里中設六閘蓄水以濟輓運設閘夫一百二名康熙十九年遣官挑濬通州至天津河道天津以南仍令總河挑濬

大清會典

白河去通州二百里源出關外經密雲縣南流過通州  
合通惠榆渾諸河至直沽會衛河入海

大清會典

衛河舊名御河源出河南輝縣蘓門山東北會淇漳諸  
水過臨漳分流為二其一北出經大名至武邑以入滹  
沱其一東流經大名東北出臨清合會通河至直沽會  
白河入海此水既濟北河運道兼溉輝安河內三縣民  
田故於源頭建仁義禮智信五閘隨時啟閉漕運民田  
均有利焉

大清會典

會通河自臨清迤南至濟寧州元初由任城

即濟寧

開渠

至安民山

即安山

一百五十里復自安民山西南開渠由

壽張西北至東昌又西北至臨清凡二百五十里引汶

絕濟直歸漳衛明洪武間河決原武縣黑羊山由舊曹

州鄆城縣兩河口漫過安山湖而會通漸淤永樂初遣

官疏鑿元人故道乃於東平州戴村築壩遏汶水使西

流盡出南旺至分水龍王廟分為二四分南流以接徐

沛六分北流以達臨清相地勢高下增修閘座以時啟

閉國朝時加修濬運道利焉

大清會典

明初運道經徐州呂梁二洪懸流三十丈水險害運後  
開泇河自夏鎮達董口共二百六十餘里避黃河之險  
三百三十里建良城臺莊侯遷頓莊丁家廟萬年莊張  
家莊德勝等閘國朝於韓莊閘西岸增築石隄漕運  
安行

大清會典

淮揚運河由瓜洲儀真迤北至清江浦天妃閘皆運道  
所經明永樂間通淮河為運道於淮安府東南高家堰

上築隄以防淮水東注又自府北鑿河蓄諸湖水南接清口凡六十里曰清江浦乃漕運由江入淮要道建清江等閘遞相啟閉 本朝康熙九年大修淮揚隄岸並高郵州東西二隄決口十年挑濬淮揚裏河十一年大修高家堰並歸仁隄十四年邵伯隄決次年工成而淮楊兩岸隄潰田舍皆沒遣官查勘又山東賑等處衝決歸仁隄七堡八堡漫溢歲餘工竣十六年大修江南河道於洪澤湖下流高家堰以西至清口一帶河身兩傍

各挑引水河一道自運河西岸歷七里墩至周橋閘北  
共築隄一萬二千八百餘丈自周橋閘至翟家壩築隄  
三十二里並堵高良澗決口三十四處自清口至清水  
潭大加挑濬十七年增築高家堰隄又從文華寺挑濬  
至七里閘以為運口並大修清江浦大小閘座十八年  
大修歸仁隄塞清水潭決口更挑新河一道改名永安  
又塞翟家壩決口十九年山清高寶江都漫決五十餘  
處加築山陽潘家窪遙隄挑永安新河并高郵城南淺



工又加挑南岸大引河及改建運口大石閘令糧船由  
七里新莊二閘出口二十一年大修工竣

命大臣科道查勘仍令河道大小各官修築二十五年  
特發帑金遣大臣修濬下河海口

大清會典

支河 榆河源出昌平州南月兒灣下流為沙河會清  
河經順義縣入白河

大清會典

盧溝河源出太原之天池伏流至朔州馬邑從雷山發

為渾泉

即渾河

會桑乾河

河源出馬邑之金龍池百湖湧泉東下會盧溝河

及雲

中諸水經太行山入宛平縣界東南至看舟口分為二  
派一東流至通州高麗莊入白河一南流至霸州合易  
水至丁字沽入運河

大清會典

滹沱河源出山西繁峙縣泰戲山歷代嶧等州縣東流  
經真定府南至武邑縣合漳水又東北流至空河口入  
運河

大清會典

胡良河在涿州自拒馬河分流至通州東入渾河

大清會典

琉璃河在良鄉縣自磁家務發源潛流地下至良鄉東

入渾河

大清會典

汶河一出新泰縣宮山之下曰小汶河一出泰安州仙臺嶺一出萊蕪縣原山一出縣寨子村俱至靜封鎮合流曰大汶河遶出徂徠山之陽而小汶來會經寧陽縣北埧城歷汶上東平東阿又東北五百里入海元時於埧城之左築壩遏汶入洸南流至濟寧合泗沂以達於淮明築壩戴村遏汶水盡出南旺南北分流以濟運道

而汶之為利直與江淮黃河埒矣

大清會典

洸河出寧陽縣堽城繞縣南流三十里會寧陽諸泉又六十里經濟寧城東與泗合出天井閘河

大清會典

沂河源出曲阜縣尼山西南分流為二俱與泗合由堽里河出師家莊閘河又有出沂水縣艾山者會蒙陰沂水諸泉與沂山之汶合流至邳州入淮

大清會典

泗河源出泗水縣陪尾山四泉並發故名泗水西流至兗州府城東又南流經橫河與沂水合元時於兗州東

門外五里金口作壩建閘遏水南流明時增修閘洞夏秋水漲啟閘使南流出師家莊閘冬春水微則閉閘遏水入城出濟寧天井閘

大清會典

濟河即沅水也發源河東垣曲縣王屋山下既見而伏東出河南濟源縣東西分流至溫縣而合歷虢公亭西南入於河復溢而為滎東出於陶丘北又東北會於汶一名大清河元人作金口壩傍有河曰黑風口西通濟流並入運河沁河出山西沁源縣綿山東谷繞太行

山麓至河南原武縣黑陽山與河汴合流至徐州入運河共長一百三十五里隄岸八十一里

大清會典

丹河發源自白姑山由河內縣境直入衛河共長四十里

以上諸河

湖泉之水導引蓄洩皆以濟漕為運道所關徐沛山東諸湖在運河東者儲泉以益河之不足曰水櫃在運河西者分漲以洩河之有餘曰斗門而淮揚諸湖即為運道其山東新舊各泉可引以濟漕者派分為五入汶河

為分水派入泗沂濟及天井閘漕河為天井派入白馬河及南陽棗林魯橋閘河為魯橋派入南陽新河為新河派即沙河派入邳州河為邳州派其間有淤涸者有增修者詳載以備考焉

大清會典

安山湖在東平州界運河西岸今廢為民田

大清會

典

南旺湖在汶上縣周圍一百五十餘里漕渠貫其中西岸為西湖東岸為東湖汶水自東北來界分東湖為二

二湖之下北為馬踏湖南為蜀山湖又南為馬場湖各湖通連無間東西湖中為長隄二西隄設斗門為減水閘十有八隨時啟閉每二年一大挑一年一小挑馬

大清會典

馬場湖周圍四十里舊有隄歲久沖潰與運河相通河水稍盈即洩入湖每致淺涸明時築長隄六十里內外植柳更置減水閘五座運河易盈湖水亦有蓄洩

大

清會典



南陽湖在滕縣魚臺縣界內即獨山湖周圍七十六里

遇河水微弱自南陽北新挑河口放水濟漕

大清會典

典

昭陽湖周圍八十餘里在滕沛魚臺三縣界內舊設減

水閘十四座

今存四

遇河水泛漲啟閘洩水下達微山等

湖以濟韓莊閘東泇河運道

大清會典

赤山湖微山湖呂孟湖張莊湖四湖相連長八十里在

徐州界由韓莊閘入運河

大清會典

蛤蟆湖連汪湖周湖柳湖俱在邳州今廢

大清會典

駱馬湖在宿遷縣界周圍一百五十餘里康熙七年董  
口淤漕艘取道於湖時有風濤之險十八年黃河北決  
湖漸涸乃於湖西皂河口另濬新河接溫家溝行運此  
湖遂廢其茅茨黃墩侍郎倉基埠子等湖並淤

大清

會典

大莊湖崔鎮湖在桃源縣今淤

大清會典

杜村湖萬家湖在清河縣今廢

大清會典

洪澤湖在山陽縣界合泥墩諸湖為一上承鳳泗諸水  
達清口會黃河入海又引入運河濟漕注於江

大清

會典

管家湖在淮安府城西今淤為田舊有長隄見存隨時  
修築束運河水勢以濟輸輓

大清會典

白馬湖長三里汜光湖即寶應湖長三十里界首湖即  
津湖長三里在寶應縣新開湖長三十五里在高郵州  
邵伯湖長十八里在江都縣諸湖延袤高寶以抵揚州

上下相接

以上諸湖  
大清會典

東平州泉三十五

舊十四新二十一

安園泉

吳家泉

張貨

郎泉

王老溝泉

大黃泉

小黃泉

席橋泉

淨

泉源泉

冽泉

杞頭泉

獨山泉

鐵鈎嘴泉

坎河泉

高嘉泉

已下新

浮文泉

大成泉

半畝泉

小玉泉

郝家泉

安宅泉

卷耳泉

冷和泉

高

家泉

饒饒泉

雙明泉

徐家泉

三眼泉

勝水

泉

單眼泉

口頭泉

神漢泉

遊龍泉

湧泉

孫泉

已上諸泉俱匯汶出  
南旺分水口入漕

汶上縣泉七

舊三  
新四

龍鬬泉

灤溜泉

雞爪泉

老源

頭泉

已下  
新

薛家溝泉

趙家泉

馬莊泉

已上諸泉俱  
匯汶出南旺

分水口  
入漕

平陰縣泉一

舊

柳溝泉

入汶

滋陽縣泉十四

舊八  
新六

東北新泉

闕黨泉

古溝泉

負假泉

上蔣謝泉

下蔣謝泉

西北新泉

驛後

新泉 紙房頭泉

已下  
新

三義泉

既濟泉

惠泉

照

星泉

元對泉

已上諸泉俱匯濟由濟寧入馬場湖出安居斗門閘入漕

鄒縣泉十四

舊十一新三

鱗眼泉

程家莊泉

孟母泉

陳家溝泉

白馬泉

岡山泉

黃港溝泉

淵源泉

柳青泉

馬山泉

三角灣泉

白莊泉

已下新

屯頭泉

新泉

已上諸泉俱匯泗出曹橋閘入漕舊有勝水泉今廢

曲阜縣泉二十八

舊十八新十

橫溝泉

埠下泉

新安泉

變巧泉

映安泉

新

城北新泉

新

六泉俱匯泗流至金口壩由濟寧入

馬場湖出安居斗門閘入漕

青泥泉

柳青泉

車轆泉

達泉

茶泉 雙泉 曲水詠歸泉 溫泉 連珠泉 新

泉 曲溝泉 濯纓泉 文獻泉 蜈蚣泉 兩觀泉

新 已下 城南新泉 洙泗河泉 近溫新泉 黑虎泉

浴沂泉 通沂泉

近遠泉

已上諸泉俱由沂匯泗流至魯橋關入漕舊有鄒村

泉柳莊泉今廢

泗水縣泉七十八

舊五十三新二十五

趵突泉

珍珠泉

淘米

泉 黑虎泉

四泉俱出陪尾山林泉寺左匯為泗源

繁星泉

白石泉

蓮花泉

新開泉

柳音泉

即響水泉

紅石泉

甘露泉

卞莊泉 三台泉 湧珠泉 奎聚泉 甘露新泉

石竇泉 琵琶泉 潘坡舊泉 潘坡新泉 黃陰泉

吳家泉 杜家泉 曹家泉 蔣家泉 里老溝泉

石井泉 鮑村泉 合德泉 趙家泉 龜陰泉

龜眼泉 龜尾泉 東巖石縫泉 城南珍珠泉 黃

溝泉 岳陵泉 石河泉 壁溝泉 大玉溝泉 小

玉溝泉 蘆城泉 西巖石縫泉 三角灣泉 雪花

泉 新開第二泉 天井泉 醴泉 醴前泉 七里



溝泉 馬莊泉 馬跑泉 魏莊泉 泰來泉已下新 小

鮑村泉 膏湧泉 蔭出東小泉 雙晶泉 涓涓泉

石壑泉 瑤泉 留思泉 石液泉 雙石縫泉

小黃陰泉 蔭出西小泉 三水泉 卞橋泉 變巧

泉 西奎聚泉 西甘露泉 黃花泉 醴橋泉 龍

澤泉 泗勝泉 小黃溝泉 激雪泉 珠澤泉已上諸泉

俱匯泗水由金口壩北入黑風口統  
濟寧入馬場湖出安居斗門閘入漕

滕縣泉三十二舊十八新十四 北石橋泉 大烏泉 涼水泉

新嶧莊泉

新四泉俱入  
溫水湖濟運

三里泉

七里泉

新二泉  
由滿家口

入運

紋溝泉

趙溝泉

荆溝泉

趵突泉

劉溝泉

五花泉

新已下

大沸泉

小沸泉

西荆溝泉

九泉俱由  
姚家口入

運南石橋泉

雙泉

新二泉由  
鮎魚弦入運

玉花泉

魏家莊泉

黃溝泉

白山泉

馬蹄泉

新五泉俱由  
劉昌莊入運

三山泉

溫水泉

黃家泉

三界灣泉

龍灣泉

蕊珠泉

新大勝泉

新雙勝泉

新八泉俱  
由彭口入運

繁星泉

新由張阿  
村入運

呂

蒙泉

新入微山  
湖濟運

嶧縣泉十

舊五新五

許由泉

溫水泉

搬井泉

三泉俱由彭口入運

龍王泉

由萬年閘入運

許池泉

滄浪泉

新

石室泉

新三泉俱由大泛

口入運

牛山泉

新由德勝閘入運

巫山泉

新由侯遷閘入運

侯孟泉

新由張莊

閘入運

寧陽縣泉十五

舊十二新三

龍魚泉

龍港溝泉

魯姑泉

灤溝泉

四泉匯汶出南旺分水口入漕

蛇眼泉

張家泉

井泉 三

里溝泉

古泉

柳泉

金馬莊泉

古城泉

日淵

泉

已下新

新電泉

羅星泉

已上諸泉俱匯洸河由濟寧入馬場湖出安居斗門入漕

魚臺縣泉二十

舊十四  
新六

東龍泉

平山泉

古泉

廉

家潭泉

西龍泉

聖母池泉

何家泉

已下

六小泉

小龍泉

有本泉

聖喬泉

已上諸泉俱匯歌山  
湖入利建開濟運

黃

良泉

廟前泉

滕家泉

河頭泉

高家東泉

高

家西泉

陳家泉

中溢泉

勝水泉

新已上諸泉  
俱匯棗林開南

新河  
入漕

濟寧州泉四

舊三  
新一

蘆溝泉

入南陽  
開河

拓基泉

入棗林  
開河

馬陵

泉

入魯橋  
開河

洗筆泉

新由在  
城開入漕

泰安州泉六十四

舊三十七  
新二十七

板橋灣泉

皂泥溝泉

鯉魚溝泉

清泉

鐵佛堂泉

范家灣泉

周家灣

泉 風雨泉

馬兒溝泉

梁子溝泉

木頭溝泉

龍灣泉

張家泉

梁家莊泉

上泉

馬蹄泉

臭

泉 溯港溝泉

水磨泉

狗跑泉

報恩泉

陷灣

泉 胡家港泉

馬黃溝泉

龍王泉

濁河泉

斜

溝泉 羊舍泉

北滾泉

順河泉

韓家莊泉

力

溝泉 東柳泉

神泉

西柳泉

龍堂泉

水波泉

大興橋泉

已下水新

水泉

小柳泉

鬪泉

鳳凰泉

滄浪泉

坤溫泉

涼泉

明堂泉

搬到井泉

惠

泉 新興泉

新茶出泉

真溝泉

香城泉

皮狐

泉 雲潭泉

白土涯泉

靈應泉

廣生泉

良甫

泉 金星泉

黑虎泉

海旺泉

吳家溝泉

坡里

泉 石縫泉

已上諸泉俱匯汶出南旺分水口入漕舊有東西顏謝二泉今廢

新泰縣泉三十六

舊十四新二十二

南陳泉

魏家泉

南師

泉 名公泉

張家溝泉

公家莊泉

孫邨泉

西

周泉 名灣泉 和莊泉 西都泉 古河泉 劉杜

泉 靈槎泉 柳溝泉已下新 新西周泉 賈周泉 路

踏泉 太公泉 北陳泉 嘯泉 周家泉 北流泉

北鮑泉 崖頭泉 劉都泉 里橋泉 黃水灣泉

紅河泉 大峪泉 金溝泉 釣魚臺泉 萬歲泉

構溝泉 高峪泉 杏山泉已上諸泉俱匯汶出南旺分水口入漕

肥城縣泉十二舊九新三 清泉 拖車泉 鹽河泉 董家

泉 臧家泉 吳家泉 王家泉 開河泉 馬房泉

聖會泉

已下新

震澤泉

引允泉

已上諸泉俱匯注出南旺分水口入漕

萊蕪縣泉四十六

舊十七新二十九

小龍灣泉

湖眼泉

蓮

花池泉

郭娘錦泉

牛王山泉

鵬山泉

烏江岸

泉鎮里泉

趙家莊泉

王家溝泉

半壁店泉

海眼泉

雷家莊泉

水河泉

魚池泉

新興泉

北海眼泉

片錦泉

已下新

青陽港泉

賀家灣泉

逮

馬河泉

坡里泉

大龍灣泉

盧家溝泉

青泥溝

泉韓家港泉

坡草泉

張家灣泉

西碧泉

朱



家灣泉 北夾溝泉 星坡泉 青橋泉 沙灣泉

龍興泉 連珠泉 雙龍泉 垂楊泉 李家灣泉

涼坡泉 黑龍泉 老龍泉 西夾溝泉 大龍泉

助沙泉 斜里泉 已上諸泉俱匯汶出  
南旺分水口入漕

蒙陰縣泉四 俱新 卞莊泉 官橋泉 海眼泉 葛溝泉

四泉俱匯汶出南旺分水口入漕 已上諸泉 大清會典 薈叢云相傳山東諸泉皆濟水伏流故元明以

前凡屬泉源皆入於濟茲 大清會典並注入漕道因連諸湖而悉錄之不嫌與前例相左也

宛平縣 開 玉泉新開 康熙二十二年建 青龍閘 白石閘 廣

源閘 高梁閘 澄清閘

大興縣閘 新建閘 慶豐閘 平津上下二閘

通州閘 四壩一普濟閘 南浦閘 滾水閘 通流閘 石

壩舊普濟通流俱有上下二閘今各廢其一又有土橋廣利二閘亦廢

臨清州閘 二南板閘 新開上閘 舊有會通臨清沙灣滿官屯觀音嘴五閘今廢

清平縣閘 一戴家灣閘 舊有李家口魏家口二減水閘今廢

堂邑縣閘 五梁家鄉閘 土橋閘 土橋南閘 土橋北

閘 新開口閘 舊有土城中閘 二減水閘今廢

博平縣

舊有減水閘五座今廢

聊城縣

十通濟橋閘

李海務閘

周家店閘

西柳

行閘

裴家口減水閘

方家口閘

李家口減水閘

耿家口閘

永通閘

呂家灣閘

舊有龍灣閘官窯口閘今廢

陽穀縣

閘六

七級上下二閘

阿城上下二閘

荊門上

下二閘

寧陽縣

壩一

堽城土壩

舊有洸河東西二閘今廢

滋陽縣

壩一

金口石壩

上建閘門五座土華杏林二閘今廢

舊有

鄒縣

舊有港里積水  
閘小閘久廢

東阿縣

一閘通源閘

壽張縣

一閘沙灣減水閘

舊名積水閘  
家壩野猪腦堰今廢  
舊有師

東平州

閘四  
壩二

戴村閘

戴家廟閘

安山閘

靳家口

閘

戴村壩

坎河口隄壩

舊有魚營減水閘安山  
湖東西二小閘今廢

汶上縣

閘十  
三

開河閘

寺前舖閘

南旺上閘

南旺

下閘

焦樂減水閘

張全減水閘

劉元減水閘

彭秀減水閘

邢家減水閘

常家口減水閘

關家

口減水閘

李泰口減水閘

袁家口閘

舊有孔家田  
家口二減水

開界首石口二  
積水閘今廢

嘉祥縣

閘一利運閘

舊廢康熙十  
九年修復

鉅野縣

閘一通濟閘

舊有長溝減  
水閘今廢

濟寧州

閘二

天井閘

在城閘

趙村閘

石佛閘

新店閘

新閘

仲家淺閘

師家莊閘

上新閘

中新閘

下新閘

棗林閘

舊有魯橋閘四里  
灣減水閘今廢

濟寧衛

閘二

十里鋪平水閘

安居平水閘

舊有永通減  
水閘五里營

平水閘  
今廢

魚臺縣

閘七

新河十四減水閘

今存四餘俱廢

南陽閘

邢莊閘

利建閘

即宋家口閘有蘓家壩今廢

舊

滕縣

壩五

朱姬莊西岸閘

張阿南岸閘

已上二閘康熙十六年建

修永閘

康熙二十年建

佃戶屯減水閘

三洞閘

東邵壩

王家口壩

另裏壩

宋家壩

黃甫壩

嶧縣

閘九

臺莊閘

湖口減水閘

德勝閘

張莊閘

萬年閘

丁廟閘

頓莊閘

侯遷閘

韓莊閘

西岸

石隄順治

十六年築

沛縣

開三

珠梅閘

楊莊閘

夏鎮閘

薛河口石壩

沙河口壩

懽城壩

舊有留城滿家馬家橋西柳莊四閘今廢

徐州

開一

蘓家山閘

康熙二十三年建

大谷山壩

康熙十七年建舊有黃家

梁境內華古洪四閘徐州洪呂梁洪二石壩今廢

碭山縣

壩一

毛城舖減水壩

邳州

壩二

馬莊集減水壩

康熙十九年築

萬家莊減水壩

康熙十九年築

舊有匙頭灣

減水閘今廢

宿遷縣

四壩

皂河石壩

康熙十年築

朱家堂石壩

康熙十年築

溫家

廟石壩

康熙十年築

歸仁隄石壩

康熙二十年築

桃源縣

一壩

支河壩

康熙六年建

舊有馬廠坡減水閘  
入崔鎮徐昇李太三義古城五減水

廢壩今

清河縣

閘三壩四

新莊閘

七里閘

運口大石閘

康熙二十年建

天妃壩

張家莊減水壩

康熙十年築

王家營減水壩

康熙十八年

年築西王家營減水壩

康熙十九年築  
舊有通濟閘今廢

山陽縣

閘五壩  
七隄一

清江龍汪閘

永利閘

興文閘

涇



河開 越河小開 武家墩壩 高良澗壩 周家橋

壩 古溝東壩 古溝西壩 鳳陽廠石壩 塘埂壩

已上七壩俱康熙十九年築 高家堰石堤 舊有板開福興永清窩灣四開方家新建仁義禮智

六壩俱廢

安東縣 蓮花庵壩 康熙二十年築 茆良工減水壩 康熙十九年築

寶應縣 濟河南開 弘濟河北開 長沙溝

減水開 朱馬灣減水開 劉家堡南減水開 永安

開 已下七開即江橋北等減水開 孫家小開 黃浦東隄雙開 子嬰

雙閘

汜水小閘

黃浦西隄雙閘

康熙十年建子嬰溝減

水壩

康熙十九年築 舊有力清  
閘劉家堡西隄二閘今廢

高郵州

閘十一壩六

康濟河南閘

康濟河北閘

琵琶閘

通湖橋閘

新中隄四減水閘

內第三閘沖廢

界首減水閘

順治六年建

通湖淺水閘

康熙十年建

火燒閘

五里閘

車邏

滾水壩

舊為減水閘康熙十二年改築  
已上即城南河隄三減水閘

五里滾水壩

康熙

十二年築

八里鋪減水壩

康熙十年築

南關滾水大壩

柏家墩

滾水壩

永平港東隄滾水壩

已上三壩俱康熙二十年築  
舊有蛤蚧壩今

廢

江都縣

開十五壩二

廣惠閘

通惠閘

芒稻河東減水閘

芒種河西減水閘

露筋鎮頭淺閘

四淺大閘

四

淺二減水小閘

楊子橋閘

馬家渡閘

灣頭鎮閘

即灣頭滾水壩康熙十六年改建

邵伯九減水閘

今存第四閘與金

魚

魚口滾水壩

康熙十九年築

金灣三閘南滾水壩

康熙二十四年築舊有

沙壩閘商家閘馬家渡閘南潭閘今廢

儀真縣

開四響水閘

通濟閘

羅泗閘

攔潮閘

舊有五壩

又有新

壩俱廢

泰州

一壩

徐家壩

丹徒縣

舊有大壩  
山開今廢

丹陽縣

舊有黃泥壩今廢  
以上諸開壩  
大清會典



行水金鑑卷一百三十三

欽定四庫全書

史部

行水金鑑卷一百三十四至

七

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官典簿臣郭祚熾

謄錄監生臣連彭年

欽定四庫全書

行水金鑑卷一百三十四

江南按察使傅澤洪撰

運河水

世祖章皇帝順治四年六月以久雨水漲河隄再決亦  
隨就塞自後無事者十年秋自明末漕規久廢閘不  
時閉淮流常洩河沙歲浸洪澤湖底日高即分入運  
河者沙亦隨入運河日以淤淺為漕計者唯歲益增

隄下河仰隄高與城等而前此諸塘既廢潦水別無所瀦又歸仁隄歲久不治高堰防護亦疎泗州常沈水底伺間決防為壑隣計揚州患伏於隱莫之省憂

揚州府志

是年大水六月雨不止鄉官孫宗彞條議上巡撫陳之龍檄令掘丁溪白駒二閘水即退

高郵州志

世祖章帝順治六年北水大漲南北隄決數百丈民

大饑

高郵州志



世祖章皇帝順治七年河決荊隆口張秋一帶隄岸皆

潰由大清河入海東究濟北皆罹其害

山東通志

是年荊隆朱源寨口決直趨沙灣運隄衝潰挾汶水  
由鹽河東奔入海次年總河楊方興塞之

山東全河

備考

是年總河楊方興築姚港口石隄

高郵州志

世祖章皇帝順治八年大挑漕河募民為之多雨工未

盡善

高郵州志

世祖章皇帝順治九年大王廟口決沙灣復潰衝斷運道總河楊方興修築隄岸又自西岸河邊起至八里廟河邊止開引河一道長五百丈至順治十三年工始告成蓋張秋為黃河下流其決於明世者正統十三年徐有貞治之弘治五年劉大夏治之皆費極浩繁工極艱難然運道得以無恙者垂三百年防禦之法周矣至是三歲再見不重可慮哉

山東全河備考

世祖章皇帝順治十三年五月日工部題總河臣宜將

河道工程確實查勘緊急工程不妨加工多修其可  
稍緩者即止移緩以就急庶不擲金錢於無用其司  
道州縣若有虛冒估計即當據實指叅修過各處工  
程亦應年終奏銷奉

旨依議行

河南管河道治河檔案 開銷河  
道工程錢糧運河最多故置於此

世祖章皇帝順治十五年十一月初八日河南道監察  
御史何可化題臣先任浙江曾經淮黃地方留心體  
訪頗得其槩今於邸報見總河臣朱之錫并漕臣亢

得時等疏屢報水勢隄岸突決城池浸沒一方漂陷  
若是乎岌岌矣然但言一時之事而不及前後也但  
言衝決之地而不言形勢也臣請以所聞奏夫淮泗  
之來自泗州入於陂射等湖北折於清口而黃水合  
流矣自邵伯而北歷高郵寶應山陽安東皆受湖患  
而城低於隄者丈有四尺其西為高家堰高良澗二  
隄以障水勢而水過大則浮漫而行至淮揚城外西  
隄皆沙土即歲有修補終不能固勢必多為旁瀉之

路而後可則治湖之形勢不可不詳也又黃河自清  
口合淮迄東而至五險為隄曲折僅百里其寬者不  
過四五丈耳而河路之狹僅四五百步夫黃水在河  
南一帶即狹者亦經五六里今以里餘之地收兩河  
之水雖神禹不能善其後也又山陽以東有隄其來  
久遠名曰太荒長亘蜿蜒僅三百里在前朝出自民  
間地頭夫每歲增補高厚焉自御史秦世禎題准官  
築以寬民力而歲修亦無定額則官民修築之利害

不可不講也又險隄而外為鹽城等縣直達江都每歲  
鹽課百四十萬取給於此若五險隄岸一決則鹽城  
盡被滄沒且非一歲興工可便補塞國家幾百萬  
金錢不可不重為慮也況險工一決遭漂溺者七州  
縣房田墳墓盡壞於洪波民命且不可測況租稅耶  
則五險太荒諸隄不可不防患於未然救災於未事  
也請

敕下河臣親到淮揚審量形勢湖水若河而蓄若何而

洩黃河東下何以收其流何以殺其勢查前朝之故  
事量今日之情形不病國不損民悉心經畫以圖  
久安漕儲力役均有賴焉奉

旨據奏淮黃隄工關係地方鹽課著詳議具奏 部覆  
請

敕總河臣親赴淮揚審度地方形勢湖水應如何蓄洩  
黃水東下窄狹處所應何以收流殺勢以及五險太  
荒隄工應如何修築逐一審勘詳確務求有利於

國無妨於民經久可行酌議妥確題覆以便臣部另議可也奉

旨依議行

河防疏畧

世祖章皇帝順治十六年五月初一日總河朱之錫題據該司道會看得淮揚之治河也較他處不同在揚屬運道與湖水相連在淮屬運道係淮黃交流淮河自西而來至泗州入諸湖出清口達於黃河以資利涉是以治河治漕必並行而不相悖方於國計民



生兩有裨益敢以淮黃之勢言之夫黃強淮弱黃濁  
淮清二瀆同至於清口匯合東由安東雲梯關以入  
海此從來不易之勢也但黃流濁河易致沙淤必藉  
淮流蕩滌方不至梗運病民先年嘗有分黃導淮之  
議分黃者於桃源縣迤南黃家嘴闢一支河使其從  
旁分洩以殺強黃之勢導淮者導引淮流歸於海以  
通運道故淮水偶有暴漲於南設有高良澗周家橋  
二閘以備宣洩溢入寶應高郵諸湖相聯澎湃各建

開座挑挖河渠累築隄岸捍禦衝決由邵伯金家灣入芒稻河或從瓜儀注江或通廟灣歸海此蓄洩湖水之法外此再無庸於旁瀉矣至於雲梯關之灌口固為黃淮會流一路寬廣歸海之處每遇河流泛漲無處分殺必從清河上四十五里仍挑黃家嘴經清河至安東五港口東流入海分殺暴漲之勢不致南下而清口得免黃強抵淮阻運之患至新溝等五險工亦可稍免全河洶湧衝漫之虞誠為保運安民長

策奈河長二百四十里淤澱年久工繁費鉅難以輕  
舉應俟年豐物阜另議舉行其太行老隄山陽境內  
延袤三百里原係民修民守自秦按院題免鄉夫  
之後數年未修又值去歲洪流衝漫處處坍塌卑薄  
不堪捍禦業蒙本部院具題已經司道會議查照  
舊例仍按原籍責成鄉民分修另詳在案再照此隄  
之內五險工下流關切淮揚高寶等七州縣鹽課亦  
攸係之歲歲修防勢難緩急若得有引水一支流旁

瀉以減正河之勢以免直射之衝誠保五險之要著  
第查蘓建北岸宮家營地方舊有引水一河久經淤  
塞每有興濬議皆未果蓋緣引河必使深廣同於正  
河方能借勢而下況黃河諺稱神河闊數百丈底深  
水溜不惟挑濬匪易借使如式寧能保其不旋挑而  
旋淤乎亦惟有廣積夫料加意修防以收補偏救弊  
之功舍此無他竒也該臣看得淮揚郡屬地處卑下  
匯為諸湖淮黃由之歸墟江海於焉受注客水時至

一望汪洋如綫之隄曾不足以禦稽天之浸則疏洩  
固所在亟亟也爰自前明挽河資運閱數百載變故  
即費數百載經營今其遺迹非不具在然舊貫固有  
可仍而時宜又有不得不審者臣請條晰而備陳之  
淮水自西南來趨東北黃水自西來橫截於清口外  
淮之支流由清口折而南注通江者所謂運河也淮  
之正流會黃並驅東下入海者所謂黃河也伏秋之  
間淮黃交漲淮被黃遏周旋而不得出清口以上匯

而為洪澤等湖則高堰危故堰南有高良澗周家橋  
兩閘洩水東入高寶白馬等湖高寶湖東通連運河  
南從瓜儀入江而地勢微昂宣洩不及則運隄危故  
運河東岸有涇河子嬰金灣等閘洩水東下射陽廣  
洋等湖入海有灣頭閘有芒稻河洩水南入於江此  
運河及諸湖之形勢也隄閘舊制今皆現存間有歲  
久圯壞者應行酌量估計以時修葺者也淮黃交會  
由清口而東濁流湍悍衝潰易告查前明萬厯年間

曾於桃源縣黃河北岸挑黃霸新河二百四十里分黃一支由五港口歸海以導淮保運即以殺南岸河患但淤澱已久工役繁鉅興復實難又崇禎年間塞蘇甯建義兩決口曾挑宮家營引河十里暫殺水勢未幾仍淤蓋河不兩行既恐徒費況今歲淮工全集亦有未易並舉者姑俟民力稍裕另行酌議至于現今河身闊者數里狹者亦不下數百丈兩隄去河尚有陸地水長則及隄址水落則復河渠洪流衝蕩不

嘗奔馬豈俟人力開鑿收流之議似無庸贅此黃河  
之形勢也總之太行老隄實淮揚七州邑一大保障  
自前朝來原係莊民自修而中間頂衝掃灣諸險工  
亦有鹽城各縣出夫協濟之例順治九年間黃河北  
決淮屬士民燕雀怡堂具控按臣遂為題免沮格  
廢弛去歲冬漲幾成大害此臺臣何可化特以力役  
為言蓋實有見於往例之不當廢耳除裏外兩河隄  
埝各工仍應照例每歲勘確詳估題修其太行五



險隄修築事宜臣近于淮工夫役疏內已經會議

題明應候部覆前疏請

旨遵行以垂永久可也部覆奉

旨是依議

河防疏略

是年歸仁隄決水自翟壩古溝下灌諸湖江都瀕河  
田舍水深六七尺高寶則浸及城市月餘乃潰漕隄  
而東注興化墊焉

揚州府志

李昌祚漢陽人順治壬辰進士十六年由翰林任河

北道叅議築堦陽隄以禦黃河濬廣濟渠以分沁水

民賴其利

河南通志

世祖章皇帝順治十七年三月初十日部議據總河臣朱之錫疏稱歲修之制原以防一歲之伏秋濟本年之運事即據一歲之中車道狼窩所在必有徑寸不修便可成患今前人預立結狀誰則敢任以後歲修工程相應照舊估修等因具題前來請

敕下河臣嚴行司道印捕等官照舊估修工完之日各

官各具可保本年伏秋無虞印結同冊一併奏銷如有本年衝決即指名題叅以憑從重議處可也奉

旨依議

河南管河道治河檔案

姜天樞餘姚人順治中為工部郎中督視北河累年亢旱河渠不通山東諸泉亦竭總河束手無策天樞曰昔僉事江良村曾言導河注衛增一運道今獨不可借良材之議而反用之導衛注於河乎總河從其議而運道於是添設衛河主簿著為令

浙江通志

聖祖仁皇帝康熙元年開周橋淮水東下隄決自此州

境水患不息

高郵州志

聖祖仁皇帝康熙二年九月十九日總河朱之錫題為

敬陳河漕事宜以速飛輓大計事竊惟我朝奠鼎

燕京轉漕東南上供玉食下給百官六軍之需運

河一綫悉仍明舊則凡所以利涉者自不得不一循

舊章修明而謹守之也順治十三年以前河道多故

糧運率遲自十四年迄今仰賴朝廷洪福幸漸免

凍阻之患矣第有一二規制或自明季相沿或有日久弛廢尚須急為講求者臣謹徵考故籍為我

皇上陳之一曰閘座運河臺莊以南臨清以北原無閘座節宣每遇旱乾尤易淺閣者姑且勿論其臺莊以北臨清以南將及千里之內惟恃山東諸泉之水從石罅泥穴中尺疏寸導會流於南旺河渠分濟南北而南旺南距臺莊高一百二十尺北距臨清高九十尺其間或數十里置一閘或數里置一閘必上啟

下閉互相灌輸方可浮運春夏之交雨澤愆期源枯  
流細更必倍費守候以漸積水然後盈漕否則建瓴  
之勢一瀉無餘舟膠而不可行也查會典一款凡運  
糧及解送官物並官員軍民商賈等船到閘務積水  
至六七板方許開放若公差內外官員人等乘坐馬  
快船或站船緊急公務就於所在驛分給與馬驢過  
去不許違例開閘進貢緊要不在此例又一欸凡閘  
惟進鮮船隻隨到隨開其餘務待積水若豪強擅開

走洩水利及閘開不依幫次爭鬪者聽閘官挈送管  
閘並巡河官究問因而閣壞船隻損失進貢物件及  
漂流官糧並傷人者各依律例從重問罪干礙豪勢  
官員叅奏究治而且附搭黃馬快船有禁貢鮮船隻  
夾帶有禁令申森嚴歷歷可考即順治十三年十二  
月內工部題覆巡漕臣侯于唐申嚴閘座等事一  
疏內開閘座啟閉原關糧運務照舊例首先糧艘次  
及官商等因亦經奉有依議嚴飭行之

旨奈邇來官差船隻只顧一已速行之私罔念朝廷  
京儲之重每到閘口輒聽船役喝令啟板么磨官夫  
稍有違拗則捶楚繼之積水既洩閘內糧船不免淺  
閣即使洩而復蓄亦不免加倍耽延甚或有隨帶貨  
船須水浮送則上閘應閉而不聽閉下閘當開而不  
容開年來爭競之端實由於此如是而欲責糧運之  
速行無滯是何異於却步而求其前也除臣屢示禁  
飭本年四月內具有據報題叅一疏並將搶閘緣



由題請議飭外但往來滿漢官船絡繹如織河水非  
易舊典空存未免由而不察仰懇

睿鑒特賜

嚴旨申飭容臣衙門仍照舊例刊刻紅牌通行豎立各  
閘除緊急兵船暫應讓行外其餘官差船隻一體遵  
守隨漕啟放如有逼勒官夫開閘搶越洩水誤運者  
應拏究者照例問發應叅奏者據實指叅庶人心知  
警而漕法不廢此所宜講者一也 一曰船式重運

自過淮後經由黃運兩河抵通交納黃河逆水溜急  
運河源流細微必須船米輕便一律然後可銜尾連  
輓是以漕船名曰淺船各省漕糧共計四百萬石各  
衛所淺船舊額共計一萬二千餘隻查會典所開淺  
船頭稍底棧俱有定式龍口梁闊不過一丈深不過  
四尺內隆慶四年一款如糧船過淮驗烙之時查有  
船不如式者該管官員不分軍職有司一體叅奏又  
一款將江北南京等積年損壞缺船行督糧道照依

湖廣江西二省船式就於瓜儀設廠打造約載正耗米可五百石務要底平艙闊入水不深又漕運議單一欸漕司及各該巡撫等官備查各總下漕船若干原缺若干補造若干現少若干嚴飭各糧儲道催行該廠補造足額不許仍前僱覓民船及將損壞者補數派搭本幫以致船重難行如不足額照例參奏即治河書內亦有開河運船載正米不得過四百石入水深不得過六捺六捺者三尺也故船力勝米力水

力勝船力若不務足船而徒搭運以省船河力安能  
運船而漕大困矣歸罪無源之河何益哉等語此皆  
先年已試之法有可考據者也邇來惟江南山東河  
南船式米數不異往制江西湖廣浙江漕船梁頭闊  
至一丈六七尺深至七八尺不等空船入水已四五  
捺且又船數不足往往倍載票糧入水多至十捺以  
外如式船糧經過黃運兩河不難相連而進而一遇  
重船在黃河則合幫人夫逐船倒絳始得過溜在運

河則守板蓄水集船起剥倍費日時一程間斷積而  
數程相距必遠在後船隻固被阻壓即前船之在下  
閘者緣上閘候水封閉過時無水下注亦不得不停  
橈以待兩河之水勢猶昨而今昔之船米迥殊雖沿  
河各官凜遵功令百計催趲亦豈能別有異術使  
之飛渡哉除臣已會同總漕臣檄行各省糧道備查  
該省漕船因何打造不如淺式又因何缺船倍載不  
行補造某衛某所額船若干現缺若干今應作何補

造議妥通詳以憑覈奪外但比年以來重運回空較之十三年以前為期雖早而該省船隻屢行體式過重阻礙全漕江西一省尤多違例若不從長酌議誠恐將來必致貽悞合無請

敕該部查議飭行各省糧道遵照舊例漸次補造以備輓運庶舊制可復而全漕無阻此所宜講者二也河漕事宜雖不止此而此二者實運事遲速之大關鍵也至於言新運者每責成於回空之早然又必自受

允開幫以至過淮一一如期然後抵通上倉無所不  
早查會典開載重運抵通完糧屢經酌議初則九月  
為期嗣始移於六月即據最後一條大約自淮以北  
仍有三月水程而其間必先於冬允冬開二月過淮  
之限預為嚴切者此可以見由先及後遲早相因之  
故矣況回空各船苟不至凍沮歲前自亦不難到次  
是又在該省之受允開幫力圖振作無致後時耳時  
已深秋轉盼新運如果臣言可採伏乞

敕部速議具覆施行奉

旨該部議奏 部覆奉

旨依議 河防疏畧

聖祖仁皇帝康熙四年大水隄決七月初三日颶風大作湖水漲城市水湧丈餘有水怪色白長丈餘向東去壞漕船客船居民溺死無算 高郵州志

是年十一月二十一日總河朱之錫題臣惟運河所憂在淺每歲春月例應築壩大挑而沙隨水至水落



沙留遇有淺滯又復隨時撈濬臣勘督飭催不遺餘力如果有怠玩從事者自不惜以白簡嚴繩其後何敢少為寬假第閘河情形原與現成江河迥異其間瑣細曲折一端難竟臣始言其大畧即如上自南旺以至臨清四百餘里地勢建瓴止是一脈水源歷二十一閘層次灌輸而後下接衛河惟當霖雨漲溢方可通漕行舟每歲之間不過數日耳此外則必須閉板浮送下閘閉而上閘啟水微之時亦可使深下閘

啟而上開閉水旺之日亦不免淺故必船來一律啟  
閉隨漕而後船行無遲速之異又重運北上板宜常  
閉不宜輕啟回空南下板宜勤啟不宜久閉故必過  
淮過董如限而後無相值相妨之慮此雖神禹復出  
亦不能別有智巧出其範圍也今歲三春迄於孟夏  
天旱源微臣督司道等官南北疏通設法積水終覺  
艱澀及五月得雨之後于七月十二日止南漕過濟  
者共四千四百三十八隻然重運少遲回空自是不

能甚早臣方昕夕徬徨不意尾船八百餘隻五月末旬淮黃交漲淮郡之天妃閘水高溜湧致碍打放總漕臣林起龍就近駐督臣復親馳勘視六月末旬水勢少平多人牽挽倍費時日嗣於八月二十四日過董於九月初五日過濟臣慮南旺以北別無支流運河之水原以六捺為限尾船之後又有江漕二百餘隻船大倍載必致阻壓專委標營副將譚捷元尾催仍諭以設法起剥幸即於九月二十三日盡數過臨

北上較之歷年自濟過臨之期原無遲滯但是時北來空艘陸續抵臨重運在上閉板蓄水下閘之水已洩上閘之水未來回空停待自是不免若欲洩水浮空入致淺阻重運是欲速而反遲矣惟是時序入冬河水凝結回空亦不容緩臣于十月初一日兼程至臨幸重船出口既久而砲船兵船適已相繼北去因思河內既無別船回空用水有限臣復申明

上諭嚴禁阻擾通行各閘勤啟少閉接濟下流幸而仰

賴國家洪福重運過東臨而北今已却完回空過  
東臨而南今盡過濟北可見因重運而積水因倍載  
而起剝皆運河不得不然之勢而五月內題報過  
淮各船究獲於萬難拮据之中挽遲為速則河之未  
嘗淺阻固有不待繁詞而灼然易見者矣臣身親閱  
歷彼時情形實實如此職掌所關不得不具疏題  
明仰祈

睿鑒奉

旨該部知道

河防疏略

聖祖仁皇帝康熙五年運河自儀真至淮多有淤淺冬  
月春初般駁甚艱總河按地親勘儀真界內朴樹灣  
西方寺五里鋪三處急需挑浚工費浩繁非淺夫所  
能勝任知縣何崇倫奉文不支官錢不行私派多方  
勸募人皆樂從浚之深通如故

儀真縣志

聖祖仁皇帝康熙六年決江都運河之露筋廟隄次年

堵塞

淮安府志

聖祖仁皇帝康熙七年六月飄風驟雨十日不止環城  
水高二丈城門堵塞鄉村飄淌死人民數萬城中號  
哭震地牆宇多傾上聞遣官蠲賑冬遣大臣明珠等  
相視海口開天妃石碇白駒等閘毀白駒奸民閉閘  
碑 舊制東下河屬南河統轄為開水東去必入海  
口關係漕河宣洩非輕也近各場海口多廢不修其  
港口或為勢家所占而奸民營種隄外草場為稻田  
不利開閘過水是以各閘俱廢間有閘口尚存閘板

無有唯用土實填待下河水聚高興田畝盡行湮沒  
水漫范公隄然後挖開放水且河身間有淤淺則渚  
而不流是以下河窮民昏墊特甚今雖奉

旨開放白駒諸閘而弊未盡除開不徹底時開時塞議  
於白駒場等處設河廳一員專司之上河水盛放閘

即徹底開放各場閘河始與漕河有濟

開河舊名運河亦名東河

亦名下河東抵興化縣由縣直東入白駒劉莊二閘  
下海南入草堰小海丁溪等閘入海北入石碓天妃  
廟灣等閘入海白駒劉王小海草堰丁溪五場俱屬  
興化石碓天妃廟灣屬鹽城三十鹽場俱有海口洩



運鹽河之水

高郵州志

是年決江都運河之崇灣隄

淮安府志

聖祖仁皇帝康熙八年周橋未閉清水潭決民田仍被

淹沒

高郵州志

聖祖仁皇帝康熙九年閏二月十九日部覆總督河道  
羅多疏稱黃運兩河衝決之處勢必用柳應如該督  
所請委官名色專管栽種若於栽柳之人三年後應  
授何項雜職應請

敕下吏部議覆等語查黃運兩河所栽之柳每歲果能如該督疏內所定之數成活者具栽柳之人三年後該督造冊咨部俟工部查明過臣部授以巡檢錄用可也奉

旨依議

河南管河道治河檣案 運河隄岸最宜栽柳一則取材埽料一則蔭蔽輓運故鼓勵栽柳尤

當於運河著力

是年決清河縣運河之窯灣文華寺高郵州運河之

茶庵清水潭江都縣運河之東隄四淺

淮安府志

是年淮水大漲由翟壩入高郵湖民田淹沒殆盡

高

郵州志

行水金鑑卷一百三十四

欽定四庫全書

行水金鑑卷一百三十五

江南按察使傅澤洪撰

運河水

聖祖仁皇帝康熙十年清口為黃水灌入裴家場悉起  
油沙天妃閘底淤墊本年回空糧船不能進口乃於  
清河縣南腰鋪地方支河之連張福口者疏浚通舟  
由周家閘行 是年總河都御史王光裕親勘河患

情形疏略云循天妃閘而下見黃流倒灌直入運河以天妃一閘不能下板漕河淤墊兩岸潰決查天妃閘內舊有五閘遞互啟閉以防灌淤今僅存二閘其閘俱廢今宜照舊基復建福興一閘啟一閉二再於秋冬大挑運河使深以復河身之舊部覆相應準其復建福興一閘啟一閉二無得阻滯往來商民船隻先是康熙六年通政司經歷王明德上治水法未盡備疏內請復漕規閉天妃閘次年部覆據河漕臣會

疏稱天妃閘逼近黃淮難以啟閉又御史徐越屢疏言之至是光裕復疏言之

揚州府志

高郵鄉官王永吉修復天妃二閘議揭云竊照漕河閘座沿途建置甚多遇泉源枯涸則下板以待其盈若遇河流泛漲則亦下板或啟板以殺其怒總之權緩急酌盈虛故緯挽無滯滯之虞而舟楫鮮衝激之患未有陟峻奔峭險惡艱危如淮安府境內天妃頭閘之甚者此閘南至清江浦十里北至清口不足二

三里口外正當黃淮交會之衝淮水東注黃水北來  
擁逼淮泗之水合併南下入口極猛宜其勢重而力  
大也每當水發之時閘水高四五尺或六七尺不等  
飛瀑怒濤驚魂奪魄下水放閘之船疾如飛鳥若墜  
深淵浮沈難定一入迴溜人船兩傷上水打閘之船  
頭稍倒豎難若登天水石相搏中流斷纜孟賁烏獲  
力無所施篙師長年都無人色鱗次何干日日屠宰  
羊豕演戲賽神繹絡奔走呼號拜跪雜沓爭先糜費



金錢無算額設閘夫皆係積年地棍熟知水性放閘打閘俱能巧弄機關操人禍福勒取錢財除商民船隻每隻索銀若干方肯包管拽放外即如漕糧白糧亦必預先講定每石索銀八釐一分不等積算通漕糜費金錢亦無算凡此朘削之脂膏總是掛欠之實數良可惜也稍不遂意絞關左右繩纜鬆緊閘棍略顯神通磕撞立時粉碎漕糧白糧每年每幫定損數隻水手搶救剥船撈運盡是閘棍一黨獲利更多而

軍民之性命身家遂斷送於此矣似此利害關係非小然與其懲創閘壩不如節宣水勢永吉停舟數日察閱情形乃知天妃閘之下直至清江浦纔有一閘此閘亦久不下板外河水高內河水低復無閘座關攔收束而蓄聚之建瓴直瀉安得不高低懸絕奔突而湍急乎查得山東之臨清州濟寧州揚州之瓜洲儀真皆有石閘三座一閘灌滿纔放一閘閘板啟閉各有定規所以上水下水船隻平坦安穩不費氣力

縱有閘棍不能恐嚇以取財也何獨天妃止有一閘  
心竊疑之及詢土人僉云先年原有天妃二閘基址  
在清江造船直隸廠邊旁舊有月河一道此閘即在  
月河中間後因天時亢暵河水乾枯黃流徑入淮河  
泥沙淤墊從此月河湮塞而二閘遂廢矣由此觀之  
前人制度原極精詳今日揣摩偶然暗合伏望台臺  
委官相度或即以清江閘為三閘而於天妃清江兩  
閘適中地方添造天妃二閘抑或以清江閘改為天

妃二閘而於清江浦上下酌量遠近揀擇相應地方  
另造清江一閘各置堅厚閘板設立閘官閘夫倣南  
北臨濟瓜儀成規以時啟閉但使天妃頭閘之水平  
得一尺二尺則下水放閘與上水打閘十分之中省  
得四五分危險軍民商賈便無顛覆沈溺之憂不必  
乞靈於鬼神而閘棍雖奸刁亦無所用其巧矣一閘  
之費極多不過四千金仍有舊閘廢石可以起用  
所費極省而所全最大况係修復閘座與創設閘座

不同諒非格碍不可行之事也抑永吉尤有慮焉二  
閘或三閘下板則天妃閘內之河水固以蓄積而漸  
平但恐天妃閘外之河水亦以迂緩而漸滿西邊  
帶月河隄岸單薄恐易潰決所當併議估計或加椿  
板增闊培高抑或包砌石工用垂永久約計丈尺為  
數不多成功甚易此地最為黃淮要害平日亦當綢  
繆不宜滴水滲漏耳倘蒙采擇會計詳確即賜會題  
漕運商旅百世永賴之矣

王鐵山疏議

是年淮水漲十餘日清水潭隄決田廬盡沒民多流

亡

高郵州志

聖祖仁皇帝康熙十一年總河王光裕修寶應縣子嬰

黃浦永安等七閘是年水漕隄決

揚州府志

是年四月清水潭復決民饑

高郵州志

聖祖仁皇帝康熙十二年總河王光裕自至江都芒稻

河改造閘門迎金灣河建滾水壩於邵伯南

揚州府

志

是年大水時修築清水潭西隄將竣復決田稼存者

無幾

高郵州志

聖祖仁皇帝康熙十三年清水潭決口塞

寶應縣志

聖祖仁皇帝康熙十四年決江都運河之邵伯

淮安府

志

聖祖仁皇帝康熙十五年水浸揚屬漕隄殆不能支隨  
即崩潰高郵之清水潭陸漫溝江都之大潭灣等處  
共決三百餘丈殘缺不可勝數深及四五丈不等自

隄以東浩浩乎茫無際涯矣報聞

聖心惻然中夜徬徨憂不能釋特遣工部尚書冀如錫  
戶部侍郎伊桑阿等親行相視訪究利病刻期奏報  
罷河臣王光裕知安徽巡撫靳輔才移為總河都御  
史揚州府志

是年夏五月水發清水潭西隄再決及城南東隄上

下河俱淹

高郵州志

是年清水潭復決先是十四年有秋布政使慕天顏



題準災田成熟者三年後方起科納糧時官茲土者  
以蠲租不便於已也謂田既涸出應改為本年起科  
巡撫馬從其議委淮揚道副使黃桂踏勘是為十五  
年五月也桂至興化鹽城方肆苛求會大霪雨清水  
潭復決高郵江都東隄凡決數十處汪洋六百餘里  
不獨涸田盡沒於水水且及民屋簷民繫舟屋角穿  
瓦為穴出入其中耕牛無托足之地被災之慘是年

為最

寶應縣志

是年若不遭清水潭之復決馬黃  
二人將累民無已苛政不猛於水哉馬名枯滿

洲人黃桂

正黃旗人

是年五月高郵漕隄決興化水驟長以丈計舟行市

中漂溺廬舍人畜無算

興化縣志

是年決山陽運河之山東厰淨土菴其高郵之清水  
潭塞而復決又決高郵城南小口三十餘處并江都  
之大潭灣四淺竹林寺邵伯等處

淮安府志

聖祖仁皇帝康熙十六年總河都御史靳輔疏稱運河  
自黃流內灌之後日墊日高今年八月內河底竟致

乾涸隨閉隄挑浚因回空不能久待止量挑一二尺  
不等擬於明年立春後十日土凍方解時即行閉壩  
大挑總限百日完工其明年春運過淮之期必俟略  
為展限臣擬四月初旬內完工開壩放船五月終可  
以盡數過淮嚴加催趕務於七月初旬盡催過臨不  
悞十七年回空以濟十八年之春運也

揚州府志

聖祖仁皇帝康熙十七年築江都漕隄以高郵清水潭  
決口深不可築更於湖中繞迴開河一道改築東西

隄與舊隄相屬河成名曰永安河揚州府志

是年又三月題為恭報先挑運河工程告竣等事奉  
旨覽卿奏挑浚山清等處運河完工開壩淮水已歸故  
道具見實心料理可嘉再大挑山清高寶江五州縣  
運河增築兩岸其決口三十二處並塞之十月疏  
報更改南運口十一月題為酌改運口等事部覆  
奉

旨河道關係重大特簡靳輔專任一切修築事宜今該

督以節省錢糧另開運口具題爾部不即準行議令伊桑阿等會議故為耽延殊屬不合這本內事情俱著照

該督所奏行

靳文襄公治河書

聖祖仁皇帝康熙十八年四月恭報清水潭決口工竣

日期奉

旨覽卿奏修築清水潭東西隄決口閉合龍門節省錢糧甚多具見殫心料理深為可嘉知道了該部知道

六月改置南運口於三汊河 大江以南各省漕運

自瓜儀而北凡四百五十餘里至清江浦天妃閘以入黃河此明臣平江伯陳瑄之所開也萬厯間河臣潘季馴以天妃閘直黃河故不免內灌因移運口於新莊閘以納清而避黃後亦以天妃名之非其故矣然其口距黃淮交會處不過二百丈黃水仍復內灌運河墊高年年挑浚無已兼以兩河匯合滌洄激蕩重運出口牽挽者每艘常七八百或至千人鳴金合噪窮日之力出口不過二三十艘而濁流奔赴直至

高寶城下河水俱黃居民至澄汲以飲於是建閘置  
壩申啟閉之條嚴旨刻石除重運回空及貢鮮船隻  
放行外即閉壩攔黃凡官民商艇俱令盤壩往來夫  
閉壩之制不獨不便於民且空重往來之時仍不能  
禁黃流之不入乃不得已之圖非不易之策也蓋因  
當時太山墩一帶及七里墩外皆森然巨浸舍新莊  
閘之外別無彼善於此之地地形水勢實限之以不  
得不然耳自黃河倒灌以來西北自白洋河于家岡

一帶直接泗州東北自吳城張福口一帶直至武家墩卑窪者悉變為高原清口以內裴家場卽家莊爛泥淺周圍數十里凡墊成平陸之處臣挑引河四道淮水仍出清口是則黃流之灌在當時誠大為運河之害而在今則頗受其利矣何也清口兩岸墊高天然成隄黃淮不得交漫一利也太山墩上下洪濤盡涸而運河之地形愈加完固建閘置壩可以惟我之所擇二利也清口之內橫亘灘洲淮盛則泗水滔滔



北注淮弱則湖水常有所蓄以濟運而不至於盡洩  
即黃漲內乘亦限於灘洲而不得縱不久而淮水盛  
長即便抵回三利也因而譬之清口全淮之口也洪  
澤湖其腹也所挑裴家場帥家莊爛泥淺諸河則其  
咽喉而新莊閘河岸則其唇吻也夫以黃河之悍烈  
而運口出於唇吻之間宜其淺露而無庇徑直而受  
灌濟運之清淮反為濁黃之所抵而不得入也於是  
酌議拜疏移運口於爛泥淺之上自新莊閘之西南

挑河一道至太平壩又自文華寺永濟河頭起挑河一道引而南經七里閘復轉而西南亦接之太平壩俱達爛泥淺之引河內則兩渠並行互為月河以舒急溜而備不虞外則河渠離黃水交淮之處不下四五里又有裴家場帥家莊二水乘高迅注以為之外捍而爛泥淺一河分其十之二以佐運仍挾其十之八以射黃運艘之出清口譬若從咽喉而直吐即伏秋暴漲黃水不特不能內灌運河并難抵運口間遇

東北風大作累日不止濁流乘之而風迴溜駛不旬  
日而停沙一刷無遺矣是以邇年以來重運過淮揚  
帆直上如歷坦途運河永無淤墊之虞淮民歲省挑  
浚之苦矣雖然旱澇不常湖水設有時而淺涸諸引  
河勢不能暢注而俱出則寧使裴家場之水斷流而  
爛泥淺一道務須挑浚深寬毋或緩此而顧彼此則  
意外之虞不得不預為之籌者也 是年增挑南運

河起土加築兩岸隄

靳文襄公治河書

是年開滾水壩於江都之鮑魚背揚州府志

是年塞清水潭大決口山陽運河戚家橋隄工衝決

五十餘丈本年隨塞

淮安府志

聖祖仁皇帝康熙十九年水再置滾水壩於高郵城南

八里又置於寶應子嬰溝

揚州府志

是年淮水大漲七月朔南水關潰水入城闌闌往來

皆以舟楫壞民屋廬無算

高郵州志

是年大水漕隄決

興化縣志

是年創建山陽運河之鳳陽廠減水壩一座創挑阜

河四十里以通北運

淮安府志

是年創建碭山毛城鋪大谷山宿遷攔馬河歸仁隄  
邳州運河東岸馬莊集減水壩十一座 開阜河上

接泇河通運又開張家莊通運口 明萬歷三十一

年總河李化龍開泇河行運自夏鎮達於直河口不  
由徐呂二洪避黃河之險者三百里漕運利之後直  
河口塞改行董口及董口復淤遂取道於駱馬湖由

汪洋湖面西北行四十里始得溝河又二十餘里至  
窩灣口而接泐第駱馬湖本窩田也因明季黃河漫  
溢停積而成湖夏秋水發不得行舟至冬春水涸其  
淺處不流束楚且水面遼闊繚纜無所施每重運入  
口即役兵夫數萬於湖中撈浚浮送北上而所撈之  
渠不旋踵而汨沒於風浪之中年年畚鍤宿邑騷然  
苦之况黃河復故雨潦各有所歸湖水必致日涸且  
撈浚無所施實漕運咽喉之大虞矣查宿邑西北四

十里阜河集其地溝渠斷續有舊淤河形一道若挑  
新濬舊因而通之可以上接洳河之委而下達於黃  
但啟土於沮洳之地為力甚艱又南患黃河之逼北  
慮山左羣山之水不有隄防不可以行運乃揆測規  
畫即取水中之土以築水中之隄南起阜河口北達  
溫家溝水深之處挑水旱工共二千四百丈兩岸築  
隄四千八百丈凡邳宿兩州縣舊河內一切漫流旁  
洩決口三十餘處盡行築塞又起自溫溝歷窩灣至

邳境貓兒窩計四十里從無隄岸每山泉暴漲即一望滔天復兩岸築隄二萬七千丈然貓兒窩一帶為徐兗諸水之所注納水太盛則隄必傷故建減水大壩三座以洩之至如貓兒窩以上地亢土堅則空之而弗隄又貓兒窩以西至唐宋山三千餘丈乃霖霖暴漲之所從出入者則隄之蓋自阜河而上者無不治矣惟是下口直截黃河遇伏秋暴漲不無內灌之虞於是復加斟酌相得阜河迤東二十餘里張家莊



其地形卑於阜河口者二尺餘而黃河上下水勢大抵每里高低一寸自阜河至張家莊二十餘里黃水更低二尺餘內外水面高低相準乃復挑支河一道自阜河歷龍岡岔路口達之張莊出口蓋前此阜河出口如丁字形黃水自西而東阜河水自北而南兩溜相抵而不相比且黃強清弱故易灌今張莊之出口如人字形黃水與張莊口之水俱自西而東與溜相比而不相抵况又以阜河地高之水下注於二十

餘里地卑之出口其迅流更足以抵黃也由是上則東省河流滔滔奔注常束本等之水於漕中而洩暴漲之水於壩外下則運口常通永無淤塞之慮矣

張莊運口為阜河尾閘東通駱馬湖甚近若不堵塞則阜河之水與湖水必半從此入黃中河之水必弱春初重運難行閉之則夏秋水發又恐內漲傷隄應將張莊口閉塞於其東建分水閘二座以減之尤恐異常靈潦如康熙十九年二十四年之水洶湧漫溢

今河臣王新命倣東省坎河口壩之制堆積亂石為壩誠為深慮然尚虞宣洩不及當再建一平水大壩策方萬金但湖口一帶沙土鬆浮須於宿遷治西馬陵山址土堅處為之更自張莊順見行之河開複河一道經駱馬湖東至馬陵山接中河以行運而置見行之河以為月河洩水之地則往來船隻行不經壩可無掣舟之患兼以遠黃而備不虞此亦善後之計勿以為過慮而忽之也 阜河運道自窩灣至吳家

溝十餘里東西隄相去二三百丈地極卑下水一出岸即浩瀚滔天每東北風起西隄衝塌殆盡而西隄內外皆湖河沮洳無從取土修築甚難又河形彎曲一里數折繚繞者苦之蓋當時因大工屢興請帑已數百萬又正值軍興旁午故力圖節省但循河形而挑築故也今應於冬春之候窩灣口以上放水東入駱馬湖使洄出河底凡河道彎曲處皆挑直之即以所挑之土填築岸隄移西隄引近東隄俾兩岸相去

不過五六十丈則河形漸束隄工無風浪之虞且重

運飛輓亦易前矣

靳文襄公治河書 河防雜說云 阜河一工建減水壩二座堵大小

決口數十餘處內窯灣一口乃近年通運之處也此工成於十九年之冬至二十年七月內黃流大漲頃刻淤墊一千餘丈不能通舟彼時紛紛議論俱欲拆去窯灣埽臺仍由駱馬湖靳公力辨其非親督官弁兵丁人夫將淤墊處酌量挑挖大餘黃水稍落清流隨出仍舊刷成大河矣蓋測探水勢知黃河由阜河口至駱馬湖口計程不過四十餘里而阜河黃水較之駱馬湖口黃水實高三尺其阜河運口有淤墊之患者良由清水之長以漸而增而黃河則每每陡長數尺方黃水陡長之時而清水不長則黃流自是倒灌一經倒灌則淤墊立見也隨將阜河口攔黃壩暫行閉斷另於阜河迤東歷龍岡岔路口至張家莊止

挑新河三千餘丈使出阜河石砌之清水由此新河內行至張家莊歸入黃河是為張莊運口二十二年九月內黃水忽從龍岡漫入新河又復淤阻隨於石砌添築攔黃壩一道弗使黃水內灌一面設法疏通不過旬餘而新河水仍暢行矣然新河之南應築隨河大隄三千餘丈以攔黃漲此工若成新河可恃以不淤而運道永無阻滯矣

康熙七年以前糧艘抵宿遷率從董口北達自董口淤塞之後遂取道於駱馬一湖特是湖底淺澀土性溼爛篙師率謝技彈力且水面遼廣繚纒復無所施於是銜尾者膠滯不得前每逐艘挑挖舁送宿邑騷

然猶慄慄以滯運懼靳公毅然救其弊因創開阜河四十餘里以達之然其地沮洳取土既匪易又北受山左諸山之水慮不支且南接黃流亦有內灌之慮公又為之揆測規畫取水中之土即築水中之隄而束水有藉備減水之區以防山水之至而洩漲有賴然阜河之口直接黃水則遇黃漲時必有內灌沙澱之虞公又細測地形灼見自阜河迤東至張莊路僅二十里許乃阜河之北高三尺張莊之北卑三尺即

黃河迤東高卑之數亦同於是將阜河通黃之口竟行堵塞而於阜河迤東復開新河一道直達張莊以阜河地高之清水下注於地卑之張莊出口夫然後清水常強足以敵黃俾黃水永無倒灌之虞五年以來飛輓迅利而地方寧息軍民實慶永賴云

淮安府

志

聖祖仁皇帝康熙二十年增置高郵南北滾水壩前後增置凡八座壩口二三十丈不等對壩皆開越河以



防舟行之險凡舊隄險要處皆更以石

揚州府志

是年創建寶應子嬰溝高郵永平港南關八里鋪柏家墩江都鮎魚口減水壩共六座改建高郵五里鋪

車邏港減水壩二座

靳文襄公治河書

聖祖仁皇帝康熙二十一年十一月十三日總河靳輔至京陛見

上問

已見黃河

輔回奏河工最是艱難但人事既盡亦無不可

成之功即如清水潭從前屢塞屢決臣為避深就淺

之計越湖築隄駘馬湖淺澀不通臣相度地形水勢改挑阜河別開運道彼時大小屬官皆以為創行新建相顧畏懼臣一力擔任示以必可成之理即有後累不以相及究竟清水潭築成阜河開通此皆人力

既盡無不可成之明驗也

餘語俱見黃河  
靳文襄公治河書

聖祖仁皇帝康熙二十二年大修兩河各隄工告竣奉旨將地勢稍卑之處再行增高并遠年舊隄悉為加築完固前此經理案內之邳宿二州縣北運河兩岸隄

工山清高寶江五州縣南運河兩岸隄工以及黃河兩岸高堰一帶濱湖隄工俱經築竣  
靳公陞見後復俞善後之請發帑增築前工之稍卑者更加築遠年舊隄建邵伯南減水壩以為萬全之計云

淮安府志

是年兩河會歸故道

靳文襄公治河書

聖祖仁皇帝康熙二十三年重挑金灣人字河

揚州府

志

是年建惠濟閘在馬頭東南七里溝舊名通濟閘明

嘉靖年建引淮水以達漕運後以河水南侵閘底淤墊至是新鑿漕河於迤南三里更建閘座為新運口閘

名惠濟今現行漕

清河縣志

是年九月二十七日總河靳輔題山清高寶一帶運河先因淮水微弱黃流倒灌臣將歸仁隄官路河挖開放水歸河助淮嗣此淮流亦漲運河仍係清水高堰湖水九月方長較去年更高尺餘亦賴減水壩宣洩不致漫隄奉

旨該部知道

河防志

是年冬

聖祖仁皇帝南巡

駐蹕紅花埠侍衛趙昌傳

諭總河靳輔進問高寶興泰一帶下河為何積水不去  
臣輔回奏高寶興泰是窪下之區如同釜底向來河  
道淤塞是以下雨積水并減壩洩下之水一時難去  
又問開挑下河工程要費多少錢糧臣輔回奏當日因

科臣許承宣條陳臣照議曾估計過約用錢糧一百多萬但臣一時不敢輕議況費錢糧甚多或用民夫開挑方可節省國帑

上又問若用民夫挑浚幾時可以完工臣輔奏必得十餘年方可告成

上云太遲若到十年知道將來河道如何不若仍動錢糧速速興工為是如今科道見有條陳帶在此間要問爾臣輔奏下河工程臣還細細看明方敢具題 十一

月初六日吏部尚書伊桑阿等奉

上面諭朕車駕南巡省民疾苦路經高郵寶應等處見  
民廬舍田疇被水淹沒朕心深為軫念訪問其故具悉  
梗槩高寶等處湖水下流原有海口以年久沙淤遂致  
壅塞今將入海故道浚治疏流可免水患自是往還每  
念及此不忍於懷此一方生靈必圖拯濟安全咸使得  
所始稱朕意爾同工部尚書薩穆哈往被水災州縣逐  
一詳勘期於旬日內覆奏務期濟民除患總有經費在

所不惜爾等體朕至意速行 初九日

上回鑾至淮安

問云河道情形我俱詳細曉得只是下河之水因無去路民田尚然淹著該得開浚這工程爾可兼任得麼臣輔奏臣加修工程未完况歲修險工甚多臣不能兼顧

又問另委人做使得否臣輔奏極好

駕至天妃閣



問云天妃閘這樣險何不再造一閘分殺水勢臣輔奏  
已建有七里閘一座

駕至七里閘口

上云這閘造得有理連聲稱好

上見運口新閘

問云這閘是為何而造臣輔奏臣恐黃水大漲天妃閘  
不能承當所以又造這清水閘束水專為天妃閘而  
設的

又問建了此閘天妃閘雖好了此閘水勢難行何不也造兩座臣輔奏再造一座果然極好只是多費錢糧

又問添這一閘要費多少銀子臣輔奏要費二萬多銀子

上云於往來船隻有益就費二萬兩也罷了又奉

上諭云今年黃水倒灌運河不可為訓爾須酌一治安

之策令永不倒灌

靳文襄公治河書

許承宣議復五塘舊制

上命督撫河漕鹽諸臣會勘時司馬原具有挑浚海口之議祇以帑費不貲故未及舉行至是

上面諭吏部尚書伊桑阿等於是帶領淮安府知府高成美前往泰州興化鹽城等處一一勘明十一月十八日回奏二十八日奉

旨九卿詹事科道會同確議具奏

淮安府志

十二月初六日九卿詹事科道會議得吏部尚書伊桑阿等疏稱臣等祇遵

上諭將興化鹽城等州縣海口詳勘得山陽寶應高郵江都泰州興化鹽城等州縣之水原從車路河白塗河等處流入運鹽串場河出白駒場丁溪場草堰場劉莊場等十餘口由苦水洋關龍港信陽港廟灣入海今因年久車路等河串場河及各場出口俱被沙土淤淺比高郵興化等處河身反高以故水雖仍流而蓄水不能出口今將減水壩一帶運河水口決濬導流將會流串場河之車路等河及串場河白駒丁

溪草堰場等口俱挑濬深闊引高郵等州縣滴水入  
海庶永免水患生民得以樂業矣等因具題前來查  
得高郵寶應等處因水漲漫將民廬舍田疇淹沒是  
以

皇上軫念將錢糧盡行蠲免復屢次賑濟窮民今  
皇上巡幸見民廬舍田疇被水淹沒深為軫卹

特旨差大臣將被水患州縣並入海舊河逐一確勘不  
惜經費務期挑浚下流令被災億萬窮民盡復產業

涸田得以耕種使其得以永安雖堯舜如天之仁不  
是過也相應將河挑浚以濟生民又查總河靳輔管  
河各官治河年久熟識地方形勢水性應令總河靳  
輔親往車路等河并串場河白駒丁溪草堰場等口  
逐一確勘作何挑浚深闊使高郵等州縣減水壩一  
帶運河水口引流入海其所用錢糧細數造冊具題  
到日工部確議具覆至興工之日若見任官員不足  
該督題請可也奉

旨靳輔見在督理黃河隄岸又令兼理海口必致兩誤  
且黃河海口係在兩處應另差官督理著再確議具奏  
部議將安徽按察使于成龍差出專責料理高寶等  
處下河事務具題奉

旨依議

河防志

行水金鑑卷一百三十五